

欽州志卷之九

知州林希元輯

歷年志

今郡縣之志即古列國之史也夫史也者書列國之事以昭既往而勸將來者也顧今之作者皆於地理宮室人物之類分門特書於郡邑之事乃缺焉甚非古人立史紀事之意也今采欽自有土以來歷年之事倣左氏編年朱子綱目之法作歷年志使人一開卷而古今之事如指

欽州志卷九

諸掌匪敢自附於往哲特以備一郡之故事云爾

卯巳

秦始皇帝二十五年王翦南征百越多降

廣州志王翦悉定楚

江南地遂南征百越之君置會稽郡楊越陸梁不服羈縻而已。百越之君如楊越閩越甌越之類楊越後為南越

未乙

漢太祖高皇帝十一年五月立故秦南海尉趙佗為南

粵王

初秦南海尉任囂病且死召龍川令趙佗語曰秦為無道天下苦之聞陳勝等作亂天下

未知所安番禺負山險阻南海東西數千里頗有中國人相輔此亦一州之主也可以立國即被佗書行南海尉事囂死佗即移檄絕道聚兵誅秦吏擊并桂林象郡自立為南越武王至是詔立以為

南粵王使陸賈即授璽綬與剖符
通使使和集百越無為南邊患害

武帝元鼎五年遣伏波將軍路博德等討平南越

置交趾九真日南等九郡燕置交趾刺史初閩

郢興兵擊南粵其王上書告變漢武帝為發兵
計閩粵兵未踰嶺閩粵王弟餘善殺郢以降南
粵王胡德漢遣太子嬰齊入宿衛十餘年胡病
甚太子嬰齊請歸胡薨謚文王嬰齊嗣嬰齊在
長安時娶邯鄲膠氏女生子興及即位上書請
立膠氏為后興為嗣嬰齊薨興嗣立其毋為太
后太后自未為嬰齊妻時嘗與霸陵人安國少
季通嬰齊薨後漢使安國說王太后入朝粵相
呂嘉不聽王太后欲誅之呂嘉遂發兵反立嬰
齊長男粵妻之子建德為王殺王太后及漢
使武帝以衛尉路博德為伏波將軍出桂陽下
湟水生爵都尉楊僕為樓船將軍出豫章下橫

欽州志卷九

二

浦故歸義粵候二人為戈船下瀨將軍出零陵
或下灘水或抵蒼梧使馳義侯因巴蜀罪人發
夜郎兵下样柯江咸會番禺呂嘉建德亡入海
其校司馬蘇弘獲建德粵郎都稽獲呂嘉以誅
遂平南粵以其地置儋耳珠崖南海
蒼梧鬱林合浦交趾九真日南九郡

獻帝建安八年以交趾九真日南等九郡置交州

南陽張津為刺史交趾太守士燮表言伏見十
二州皆稱曰州而交獨為交趾刺史何天恩不
平乎若普天之下可為十二州者獨不可為十
三州乎詔報聽許拜津為交州牧加以九錫形
弓彤矢使持節并七部皆給鼓吹禮樂征
伐威震南夏與中州方伯齊同自津始也

帝禪建興四年吳黃武吳分交州置廣州

詳見沿革下

巳巳

未承

午丙

申戊

宋太宗泰始七年分合浦之地置越州既又分合浦以西之地置

宋壽宋廣安京三郡續大事記解題按州郡志越州分交之合浦宋壽廣之臨漳又新立百梁

壠蘇末寧安昌富昌南流六郡

梁高祖天監二年分越州宋壽宋廣安京三郡置安

州清類天文志安州在欽江之南舊志自置安州始有州事隸桂州總管府

巳丁

隋高祖文皇帝開皇十七年改安州為欽州先是安

民野刺史多不之官政寄於總管府州縣長吏總府得承制補受多用土豪驕倨難制是年沐

州刺史令狐熙為桂州總管得便宜行事熙乃私示恩信開設學校以教化其民安州刺史寧

猛力曰前時總管皆以兵威相脅今以手教相諭其可違乎乃詣府參謁請約束由是改安州

欽州志卷九

三

為欽州取欽順之義也

欽州刺史寧長真入朝綱曰初散騎侍郎何稠

寧猛力請隨入朝稠以其疾篤遣還而卒帝不

懌稠曰猛力與臣約假令身死當遣子入侍矣

猛力臨終果誠其子長真葬畢登路至是長真嗣為刺史如言入朝帝大悅曰何稠著信蠻夷

乃至此 煬帝大業三年改欽州為寧越郡

辰戌卯丁

四年徙兵部尚書柳述于寧越郡述字業隆隋仁壽中判吏部尚

書事述雖職務脩理為當時所稱然不達大體

暴於馭下又怙寵驕豪無所降屈揚素時方貴重朝臣莫不讐悻述每陵侮之數於又帝前面折素短判事有不合素意或述改輒謂將命者

午士

申甲

酉乙

亥丁

唐高祖武德五年改寧越郡為欽州總管府

洋沿革下

七年改總管府為都督府

八年都督寧長真反

唐書八年長真陷封山縣昌州刺史麗孝恭倚擊暄

等走之詳人物志

欽州志卷九

四

太宗文皇帝貞觀元年寧長真死

唐書寧道明為州人所殺未幾長真

死子據襲刺史厲暄談殿阻兵相掠群臣請擊之太宗不許遣員外散騎常侍肅叔諸員外散

騎侍郎李公淹持節宣諭暄等與諸溪峒首頽皆降南方遂定

十二年罷都督府

十六年徙廣西都督党仁弘于欽州

太宗時為廣西都督

貞觀十六年有罪徙欽州

高宗咸亨元年流蘄州司馬徐齊冉于欽州

中宗嗣聖元年流豫州刺史肅玄真于欽州

中宗廢后

庶人父也玄真歷普州參軍事以女為皇太子妃故累擢豫州刺史帝幽廬陵玄真流死欽州

妻崔為蠻首寧承所殺四子洵浩洞泚同死容
州后二女弟逃還京師帝復政是日詔贈玄真
上洛郡王太師雍州
牧益州大都督

癸卯

二十年武后流鳳閣舍人張說于欽州

詳流寓

乙巳

神龍元年流司刑卿崔神慶于欽州

定州義豐人武后時為司

刑卿劾昌宗獄頗濶畧不盡神龍初昌宗伏誅坐流欽州卒唐書

庚戌

睿宗景雲元年流汴州長史宋之問于欽州

字延清汾州人

中宗時為中書舍人太平末知貢舉時賕餉狼藉下遷汴州長史未行改越州長史頗自

力為政窮歷刻溪山置酒賦詩流布京師人人傳諷肅宗立以儉險盈惡詔流欽州唐書

甲戌

德宗貞元十年秋八月黃洞蠻黃少卿等叛陷欽

欽州志卷九

五

州文獻通考貞元十年黃洞首領黃少卿攻邕州晉團練經畧使孫公器請發嶺南兵窮討之

德宗不許命中人招諭不從俄陷欽橫潯貴四州少卿子昌馮趨勇前後陷十三州氣益振乃

以唐州刺史楊旻為容管招討經畧使引帥襲賊一日六七戰皆破之侯地悉復

丙申

憲宗元和十一年黃洞蠻攻欽州

唐書元和初邕州擒其別帥黃

承慶明年少卿等歸欵拜歸順州刺史弟少高為有州刺史未幾復叛又有黃少度黃昌瑾二

部陷賓蠻二州據之十一年攻橫欽二州邕管經畧使常悅破走之

丁酉

十二年冬十一月甲午容管經畧使楊旻克欽

州唐書楊旻克橫欽潯貴四州

癸卯

穆宗長慶三年秋七月丙寅黃洞蠻陷欽州

唐書

巳乙

敬宗寶曆元年黃峒賊攻欽州陷千金鎮唐書黃峒賊攻

邕州陷左江鎮攻欽州陷千金鎮欽州刺史楊與奔石南柵邕州刺史崔浩擊破之元按千金

鎮今失其處

午丙

二年黃峒蠻復寇欽州唐書明年又寇欽州殺

黨陳少奇三十人歸欵請降敬宗納之

未乙

宋太宗至道元年春交趾寇如洪鎮宋史廣西路轉運使張觀欽州如洪鎮兵

馬監押衛昭美皆上言有交趾戰船百餘艘寇如洪鎮畧居民劫廩實而去先是欽州如洪吐步如昔等三鎮皆瀕海交州潮陽民上文勇等殺人并家亡命至如昔鎮鎮將黃令德等匿之桓令潮陽鎮將黃成雅移牒來捕令德固不遣因茲海賊連年剽掠二年以工部員外郎直史

欽州志卷九

一六

館陳堯叟為轉運使因賜桓詔書堯叟至如昔詰得匿文勇之由盡擒其男女老幼一百三十口召潮陽鎮吏付之且戎勿加酷法成雅得之以狀謝堯叟桓遂上章感恩并捕海賊二十五人送于堯叟且言已約勒谿峒首領不得騷動七月太守遣李若拙賫詔書并美玉帶往賜桓若拙既至桓出郊迎然其詞氣尚悖慢謂若拙曰向者劫如洪鎮乃外境蠻賊也皇帝知非交州兵否若使交果叛命則當首攻番禺次及閩越豈止如洪而已若拙從容謂桓曰上初聞寇如洪鎮雖未知其所目然以足下拔自交州牙校授以為節制固當盡忠以報豈有他慮及見執送海賊事果明白然而大臣僉議以為朝廷北建節帥以寧海表今既蠻賊為寇害乃是交州力不能獨制矣請發勁卒數萬會交兵以剪滅之使交廣無後患上曰未可輕舉慮交州不測朝旨或致驚駭不若且委黎桓討擊之亦當漸至清謐今則不復會兵也桓愕然避席曰海

賊犯邊守臣之罪也聖君容貸恩過父母未加
誅責自今謹守職約保求清於張海因北頭首
謝

卯癸

真宗咸平六年三月辛卯朔交州八州使黃慶集

等未歸

宋史真宗傳交趾傳作四年欽州言交
州効成場民及頭首八州使黃慶集等

數百人來投有詔慰撫遣還本道景德三年桓
卒國亂知廣州凌策等言桓諸子爭立衆心離
叛頭目黃慶集黃秀蠻等千餘人以下從驅卒
戮及親族來投廣州請發本道二千人平之慶
集等願為前鋒上以桓素忠順屢脩職貢今幸
亂而伐喪不可就改國信使邵晬為沿海安撫
使令譬曉之慶集等仍計口賜田糧晬又言頭
首黃慶集等先逃亂歸化其種族尚多若復遣
還慮遭屠戮詔以慶集
隸三班釐務干柳州

欽州志卷九

七

酉巳

大中祥符二年如洪砦主李文著逐蠻寇死

宋史

忠奏求互市於邕州本道轉運使以聞上曰瀕
海之民數患交州侵寇仍前止許廉州及如洪
砦互市蓋以邕為邊隅控扼之所或直趨
內地事頗非便詔令本道以舊制諭之

交州狄獠張婁看避罪來奔

宋史知欽州穆重
穎召之至復拒焉

都巡檢減嗣遂令如洪砦犒以牢酒交州偵知
其事因捕狄獠鈔如洪砦掠人馬甚衆詔轉運
司督公蘊追索仍令疆吏自
今不得誘召蠻獠致生事

仁宗嘉祐四年交趾寇欽州

巳乙亥巳

英宗治平二年春詔徙靈縣治於石六峯下

陶衙
三海

岩詩
序

卯乙

神宗熙寧八年十一月戊寅交趾陷欽州甲申陷

廉州綱目廣西也北兵二十指揮以備邊交人畏之會沈起坐邊議罷以知處州劉彝至

奏罷正兵而用鎗仗手分戍聽偏校言以為安

南可取乃大治戈船交人來互市率皆遇絕表

疏上訴亦不得達至是遂分三道入寇一自廣

州一自欽州一自崑崙關連寇欽廉二州廉土

丁八千守城皆驅令負擔登舟已而盡殺之事聞起坐貶而除彝名

十年白州巡檢宗奇首領魁章寇五年谷熙河

鈴轄存寶敗之宋史

元封四年六月欽州大雷震火焚城屋宋史

高宗建炎四年交趾南平王薨遣使就州吊祭宋史

紹興二年詔巡捕覺察邕欽廉三州掠賣人口

七年夏欽廉饑文獻通考令常平使者賑粟

二十四年十二月丙戌編管京西轉運魏安行

于欽州大觀中為京西轉運副使二十四年以故龍圖閣學士程瑀有論語講解安行

鏤版秦檜疑其譏已因欽州編管史

孝宗淳熙元年交南入貢由欽州路以歸文獻通

二年安南遣使尹子思等入貢九年復遣入貢淳熙元年引見安南進奉副使押伴安南進差

巳丁

戌庚辛

戌甲巳丁子壬

午甲

欽州志卷九

八

梁衍言安南入貢所過州縣差夫數多自靜江水路以至容州又自北流遵陸一百二十里至鬱林自鬱林州水路可至廉州雖有回脚鹽船運鹽牛車可僱自廉航海一日之程即交趾則從靜江而南二千餘里可不役一夫而辦詔逐路帥臣詳其既而尹子思等以偽涉度水蓋乞依例由欽州以歸

申庚

寧宗慶元六年九月處士呂祖泰上書請誅韓侂

胄詔配于欽州牢城詳流寓

戊丙

理宗寶慶二年五月監察御史梁成大奏胡夢昱

移欽州編管宋史成大福州人素苟賤亡耻作縣蒲秩謫事史彌遠家幹萬所

言真德秀當擊成大曰某若入墓必能辦此事昕為達其語通判揚州尋遷宗正寺簿寶慶元

欽州志卷九

九

年冬轉對拜監察御史尋奏魏了翁已從追竄人猶以為罪大罰輕真德秀狂替悖謬不減了翁相家食宜削秩貶竄一等施行章既上下者兩月或傳德秀有衡陽之命時宰於帝前及之帝曰仲尼不為已甚遂止鑄三秩明年三月又奏揚長儒寢新命徐瑄追三秩移象州居住胡夢昱移欽州編管是冬拜右正言紹定五年進左司諫四年正月遷宗正少卿五年二月權刑部侍郎明年十月帝夜降旨黜之

辰壬

元順帝至正十二年兩江峒賊黃聖許反賊兵猖獗

州城及靈山安遠二縣時羅貼浪七峒人民亡散殆盡大兵征討賊渠竄入深尚餉送絕險僅獲其妻子欽之生意由是涓瘁欽州路總管府記

甲戊

皇明太祖高皇帝洪武元年平章廖永忠叅政朱亮

祖統兵取雷廉等地方

二十七年七月甲戌始命備倭命安陸侯吳傑

率致仕武官往廣東訓練沿海衛所官軍以備倭寇

成祖文皇帝永樂七年交趾賊寇欽州都指揮李

討平之時萬寧賊入寇諸岩巡司為其所襲

駕樓船百艘提兵萬人遂討平之府學教授王

翰平海寇歌傘圓山龍馬迹鉄船入海蒼虬立

抗王師天外戰塵飛銅柱折摧土花碧蠻酋矯首

船南走古城棲聖朝報遠多恩澤降者投官擒

。欽州志卷九

一十

轉首金風又報秋長空一碧繞滄收鯨鯢深藏

帳高張滿原野安得吉甫頌清風便擬車攻繼

十四詔採珠

宣宗章皇帝宣德二年冬十有二月棄交趾布政

司欽州漸凜尚長黃金廣等以四崗丁叛附安

南欽州時羅如昔貼浪都七崗連接交趾宋元

時尚主黃世華平賊有功始授以金牌印信充

平章廖永忠參政朱亮祖統兵取雷廉等處大小衙門俱送印信赴朱參政軍門投款給授新印

時以七崗地方人民不多不復給與新印革去
長官職事仍稱崗長以此各崗長內懷缺望至
宣德二年并文趾布政司斯廩崗黃金廣與古森
崗黃寬鑑山崗黃子嬌傳是崗黃建以四崗二
十九村二百九十二戶叛附安南邀求官職黎氏
封黃金廣等為經畧使經畧同知僉事等官世
葉守把本崗地方以欽州貼浪都地置新安州
遷萬寧縣於如昔都尋改為州又遷永安州於
時羅都佛淘
巡檢司故址

英宗睿皇帝正統五年九月巡按御史朱鑑奉

璽書率都布按三司至欽州揭榜招叛民黃

金廣黃寬黃子嬌黃建等不至乃還時御史朱鑑同

廣東都司都指揮僉事張 廣東布政司左參議王 廣東按察司僉事黃 至時羅都登灘

。欽州志卷九

十一

凌山建黃旗揭榜招黃金廣等其詞曰嘗謂華
夷有中外之分而聖君之仁則同疆域有彼此
之異而忠臣之義則一夫普天之下莫非王土
率土之濱莫非王臣君既以仁而撫乎民則民
不以義而報乎君此天理之所不容而人神之
所共怒者也稽之於古若伏波之討平以分茅
銅柱為界繫之於今若洪武之開國設了葛思
勒等關所以鎮彼疆我土之限定中華外夷之
分銘諸典籍載於志書凡有耳目者皆可得而
見知也後因有司不得其人撫字失宜以致民
人黃金廣等忘背父母之邦竊獻中華之地率
二百九十二戶之良民胥變為夷挾二千四百
餘口之男婦皆使短髮濫受偽官虐憲廩祿無
廉無耻不孝不忠共惟 皇上體二儀生物之
心敷一視同仁之惠釋其罪愆不念答贖節次
差人招撫復崇每稱國王拘留不放首鼠市恩
於兩主猶豫暗懷於二心意佛民情行同畜類
今奉 勅書既行國工知會又諭爾等復業撫

字諄諄眷顧慈慈雖慈母之於愛子始不過是也柰何玉音遠臨於邊境有若鑿與俯降於茅衡正當匍匐遠近不為過禮碎首伏罪未足釋愆却乃佯為不知方且擁兵抗拒豈禮也哉何咎如之且爾輩欽州一介小民敢爾辜恩背德雖聖意不忍加誅而神明實所不宥焉本禽也尚知反哺羊本獸也亦能跪乳豈可人而不如禽獸者乎方今皇上恤刑之意頗下蠲租之詔屢頒如春之涵如海之育量之所包者廣而德之所及者衆譬猶雷霆之轟烈豈與蚯蚓國陸陸之聲者哉不必妄生狐疑自致猜忌甚非鞏或達之於國王或告之於頭目或進或退或來或否遣人赴關謝罪或回文與我復命此天理人事之當然也豈可潛形隱面逗留不至猶延天書動經旬月吾聞君命召不俟駕行矣未聞君命至而不拜者也早知梗化莫懷二心我輩寧甘中國之土地中國之人民肯與爾

欽州志卷九

輩市私恩而取不義之富貴者乎果不復招撫吾當請勅請王取其田地復其人民則王之賢德由此而彰彰爾輩之罪逆由此而深重各俊乃心毋貽後悔歸爾鄉復爾業無蹈外夷之風宜爾室樂爾家共享中華之治黃金廣等竟不至鑑又作詩諭之其詞曰平平壽域八方開奉使天涯到栢臺宣德達情無限意知恩效順不須猜中朝雨露天同久外國山河日與回寄與叛民休梗化停驂遙望好音來又為詞以責之其詞曰皇天生我兮男子君王任我兮御史志為國兮忘家氣如無兮敢死秉白簡兮霜飛持玉斧兮直指荷錫封兮龍章沐菁莪兮麟趾觸奸邪兮斬佞懷忠義兮拊解祝聖壽兮無疆怡親顏兮甘旨為恩報兮反哺羊知情兮跪乳恨賊子兮辜恩何違天兮害理忘君父兮事讐苟衣祿兮不耻名雖竊兮偽官行實同兮犬豕幸聖恩兮天寬降金書兮玉趾宜輸誠兮服罪嘆歸歎兮故址能改過兮自新任耕鑿兮

更始胡草莽兮羣反深溝兮高壘具猖獗兮
上陳海壘齊兮徒耳請天戈兮吊民驅席捲兮
千里倒賊室兮無遺殄渠魁兮乃已吁嗟叛民偷
生譬猶天之蠅蝻而江漢之蝼蟻又有感一律
萬里迷行到海涯孤城雨夜不勝悲頻將白筆
反疑獄特奉金書撫叛夷海角風生秋浪湧天
心月正暮潮遲明當竣事歸朝去須把丹心
報主知又迷懷燕東廣濟泉諸公皇帝五載
秋日閱萬機務巍巍孝且仁蕩蕩寬而裕怵惕
魏才疎感激殊恩遇時事恭上陳報書兼勅
諭棹發羊城波馬衝瘴嶺霧悠悠江上水迢迢
廣西路孤舟盡日橫野水無人渡泛泛忘機鷗
密密參天樹周道何委蛇靡盬心競懼直指天
涯陸嶮帷海角駐光陰易隙駒歲月迅馳驚幸
得二難並加以四美具白髮映蒼顏清顧允禮
度遣興只題詩怡情却歌舞未釋心上憂喜得
琴中趣倏忽秋正切踟躕日欲暮憶舊良可歡
交新不如故玉瓚注黃流金甌浮玉露昔別已

欽州志卷九

十年今朝方一聚聊叙契濶懷盞把裘情吐讖
見愧寡聞才華獨步管鮑足美稱蕭朱真可
慕羔羊恩疏乳慈烏知反哺視彼奸邪徒信知
鬼神怒天子視同仁叛民當警悟去逆順撫
安捷音宜露布喜色動龍顏雅樂奏韶濩願言
同一心忠義等伊傅參議王愷和朱鑑詩王節
逢臨廣海涯荒涼城郭實堪悲九重降勅來
千里一視同仁撫叛夷雲歛碧空秋月皎朝生
滄海夜船遲民歸樂土邊疆靜報捷封章奏
帝知都指揮王清贈朱鑑詩聖主安邊委重
臣煌煌龍勅下天文旗揮下葛關頭日駐節
分茅嶺上雲父老相傳司馬檄蠻夷應伏波
軍漢家銅柱封疆在珎重茲行豎大勳鑑招黃
金廣既不至復命于朝亦未有處分景泰四年
思牙尚長黃應朝等又以其事具本詣闕陳奏
相傳時命戶部吉侍郎至廣勘處嗣因國家
有事懸而未結其奏稿尚存但查廣東通志其
詩無吉侍郎至廣或只行兩廣軍門亦未可知

城靈山詳見城池下

正統十三年有星孛于南斗

景皇帝景泰二年六月十三日夜黃屋山賊黃公龐陷

州城公龐廣西壽州人

英宗 皇帝天順三年秋八月流賊寇靈山是月

三日夜廣西八寨諸巢賊糾合渡江攻陷城池擄掠人畜占耕石隆堡民田勢甚猖獗僉事林

錦都指揮歐磐畫策弭之

詔採珠

六年廢寧越鄉以其地併入中和城東坊是

欽州志卷九

十四

寧越鄉海寇攻掠人民亡散田土荒蕪是歲攢造始廢其鄉以所餘田糧併入中和城東坊

廣西龍山賊寇靈山太學生檀昭擊之戰敗被

殺詳人志

靈山大旱計米千錢

八年春正月詔免稅役詔廣東等處寇盜生發多因官司採辦物料守

令不得其人以致飢寒逼身不得已而嘯聚為盜情犯雖重詔書到日有能悔過自散者即宥

其罪聽從復業本分生理所司加意優恤勿究前非戶下拖欠稅糧等項悉皆蠲免仍免雜

差役

憲宗純皇帝成化十五年靈山大冇年

亥巳

卯巳

未辛 辰戊

子庚

巳辛

午戌

申庚未巳

辰戊

申壬

癸

十六年備兵僉事林錦奏調官軍征勦八寨諸

賊八寨諸賊自天順三年作耗叛服不常或勦

烜撫之分住未平等山附劉烜詩尊食壺漿遠

送迎人心歸向若為情冥頑昔為飢寒逼禮義

今由畷足生深峒月明無犬吠荒村雨過有

農耕撫綏自我無他擾可保吾民樂太平

十七年知府劉烜毀淫祠時毀玄壇北府東微

孝宗敬皇帝弘治十一年七月初昏有星

自東南流于西北聲響如雷

十二年詔採珠

十三年靈山大冇年斗米四錢

武宗毅皇帝正德三年賊首黃師苟作耗備兵僉

事鄧槩討平之八寨餘黨長惡不悛弘治間時

鄧公以三府檄調兵討之賊皆奔竄命總旗

王英千長陳容以招撫誘之凡擒六十餘人

七年賊首廖公廣寇靈山合浦備兵僉事李志

剛誘而擒之公廣八寨餘黨也居永平寨占耕

事李志剛以聞軍門命以計擒公知監生汪銘

可任以禮致之汪銘直抵賊巢諭以利害公廣

猶豫汪銘以子成德為質始赴道勞以牛酒花

紅與為百長後公廣之黨廖受接叛以兵助強

寇李通保志剛復遣汪銘誘送軍門為首命指揮陸淳領兵勦捕其黨悉平

八年秋八月初十日交賊入寇欽州備倭百戶

欽州志卷九

五

謝惠率兵禦于淡水灣兵敗被殺時官軍一百餘艘二艘夷船四艘兵多於我惠不量波已故為所殺逃歸者僅四五人上狀當路匿不以

九年詔採珠

十年大饑刺竹生花結實如麥民多採而食之

十一年冬十月交賊寇西鹽場等處地方廉州

衛指揮范鑑率兵敗之斬獲百餘級

靈山大水

十二年交賊寇刀削嶺新民黃通等擊敗之時安

南國亂安慶賊八十餘駕船入寇刀削嶺沿江鄉村那良村新民黃通等十人擊之殺傷數十

欽州志卷九

六

人賊遁去

十三年交賊寇如昔都那蘇村總甲黃佛擊敗

之時賊八十餘上思州土兵三人黃佛之妻親也相遇遇賊因殺敗之賊死者數十人遁去

詔採珠

十四年秋八月交賊入寇舟至方家港欽州千

戶趙瑾擊敗之時知州李純與武不在千戶趙瑾率官軍及鄉兵擊之賊兵敗

遁去

嘉靖五年秋八月賊劫州庫

嘉靖七年十月賊劫靈山縣庫是年十月二十八日也竟不得賊

甲戌

乙亥

丙子

丁丑

戊寅

己卯

丙戌

十年春二月賊劫州庫

十二年十二月賊劫靈山縣庫是年十二月三日也越城而

入殺死巡捕百戶邵經及民快七人攻開長春門而去時邑人監生莫如勤命子莫汝賢微行跟踪自領軍快尾之至廣西末淳縣下南鄉獲賊杜德勝等五人送道鞠出賊首嚴景朝等十餘徒解軍門斬之莫如勤聽選以賊功授福慶平和縣知縣

十四年八月靈山縣瑞雲起于北方其長竟天八月

十一日卯時始見至辰時著午時雨散始見之時改遷儒學豎柱上梁亦為瑞也

十六年十二月作平安橋是年有事安南督府移檄州縣凡有津渡

處咸造橋以渡兵馬知州林希元乃即東門外舊儒學前為橋以十一月二十八日起工越十

一。欽州志卷九

一七

七年五月十二日成六月十六日靈山大雨水漲橋壞九月十二日復造越十八年七月始成

林希元自記詳見平安橋下

十八年大疫自春至夏死者十之三欽州靈山皆然